

tammi

1 manmaan ku kumakunu tammi. paira cina noo po'ucipi uru ia, usu'un
2 kee tammi, uru makasua cucuruana sa'o'o, maricucu kimia iavatu
3 kumakunu. matarava masini noo marisauvu cu 'una kumakarangu tammi
4 tamna sauvu, 'apaco'e 'esi nanu? tia pa ku arapana'u mukusa 'inia pu'a. noo
5 nikununu cu ia, macangcangaru cu cupungu.

6 'una ucani taniara. 'una tamu marangu rovuva na tanasa mia.
7 matatua 'esi kim kuca'ania. makari 'inia cina maku: "tupurua arakukunu
8 kimia kumakunu". makacang ku mara takupin mataa 'arating, matikoru uru
9 musu'u pa na nguain tamna takupin urucin tammi movua 'inia. cu'ugun kee
10 mamia takupin, monangu 'inia ka'anu matu'usu 'arating. mamumuku cina
11 kesoni 'inia: "nimikia nanu kasu?". "ka'anu ku manmaan kumakunu tammi"
12 misee marivari cina maku.

13 macuvungu 'apu'iaru cu tamu marangu isua tumatuturu: "miaa tati'ingi
14 pa ia, muru'inasu siacuvuru mesua, 'akia vantuku siarupaca pu'a vura. paira
15 kumakunu masini ka'anu tavaru'u neni tia kunua maka'una. imua
16 noo 'unain cau 'esi parekava 'uma, tia kumakoru mapunu tammi ia,
17 marivivini kim kipapa 'inia maramu tinainia nguani ka'anu maningcau

18 tammi. singsingiun mia tammi isua po'ucipiun cu kununu. sii mesua paira
19 makasua kumakunu, cucuru muruvuaru cu kumakunu tammi. matarava cu
20 masini, paira noo cumacu'ura tammi, pacupungun cu miaa tati'ingi tamna
21 siacuvuru."

22 tumatimana tamu marangu tamna kari isi, 'itumuru cu pacupungua
23 maku. niaramanungu cu siacuvuru cau masini, 'una cu macakuaru mataa
24 karananana kukunua, nakai maraa ka'anu cu kita masakun. koo
25 pacupungu, 'una pa cau cucumeni 'esi muru'inasu cumacuvuru. cucuru! tia
26 kita masakun nikurua masini, macarai mataa muranu sua 'esi muru'inasu
27 cau. cumacu'ura kita sinpun, cucuru si'ai mita 'una makai 'esi na mapitu'u,
28 taniara, nakai mastaan kacaua sua ma'avu cau, 'una sikaru'ua cau. ka'anu
29 kita tavaru'u nguani tamna nganai, nakai tasira'u nguani mumuranu na
30 muru'inasu cau. ngui makasia sua tia kiatuturua mita.

31

(文章大意 僅供參考) ※字數限 200 字

地瓜

1	我喜歡吃地瓜，媽媽煮飯時常放地瓜。一位長者來家裡拜訪，我們	15
2	請他一起用餐。飯裡放了兩塊地瓜，長者沒有動筷子，媽媽就問：「怎	16
3	麼了嗎？」長者說：「我不喜歡吃地瓜」。長輩說：「小時候生活清苦，	17
4	沒有錢買米，有人採收地瓜時，我們會跟在後頭撿被丟棄地瓜，因為太	18
5	常吃地瓜，已經厭倦了。」聽到長輩說的話，讓我感觸良多。現在的生	19
6	活改善很多，但是我們不懂珍惜。我們要珍惜所擁有的，並且要去幫助	20
7	有困難的人。	21
8		22
9		23
10		24
11		25
12		26
13		27
14		